



Movements migratorios

NOTAS EXPLICATIVAS

1. Introducción

O coñecemento do volume dunha determinada poboación e da súa composición en función dunhas determinadas características -fundamentalmente idade e sexo- nun momento dado, proporciónanos unha información estática, é dicir, unha instantánea da mesma. Agora ben, a poboación está en continua evolución, orixinada por unha serie de factores de cambio que inciden sobre ela: nacementos, defuncións, matrimonios e movementos migratorios.

A estatística dos Movementos migratorios, que recolle as altas e as baixas de poboación que se producen en cada concello debido a cambios de residencia, xunto coa estatística do Movemento natural da poboación, que proporciona información sobre os nacementos, defuncións e matrimonios, permiten estudar a evolución e as características dunha poboación ó longo do tempo.

A fonte dos datos é a explotación da *Estadística de Migraciones y Cambios de Residencia* proporcionada polo INE.

2. Ámbitos de investigación

Ámbito poboacional: A poboación investigada son as persoas que modifican o seu lugar de residencia durante o ano de referencia.

Ámbito territorial: A estatística contempla as variacións residenciais producidas na Comunidade autónoma de Galicia, tanto desde o punto de vista da orixe como do destino e proporciónase información para os distintos niveis xeográficos: provincial, comarcal e municipal.

Ámbito temporal: A estatística está referida as variacións residenciais rexistradas durante o ano de referencia.

3. Definicións e aspectos metodolóxicos

A Estatística de Variacións Residenciais vixente ata o ano 2021 elaborábase a partir da explotación da información relativa a altas e baixas nos padróns municipais de habitantes.

Con todo, esta estatística non era coherente coas cifras de poboación resultante da explotación estatística do Padrón no sentido que o saldo migratorio neto non coincidía coa diferenza das cifras de poboación do Padrón e o saldo vexetativo producido no ano.

A partir do ano 2023 o Instituto Nacional de Estatística proporciona anualmente o Censo de Poboación con data de referencia 1 de xaneiro. Para medir as migracións de forma coherente entre cada dous Censos consecutivos elabórase a Estatística de Migracións e Cambios de Residencia.

A metodoloxía desta nova estatística baséase en primeiro lugar en determinar as persoas que residen en dous censos consecutivos e en segundo lugar búscanse no Padrón municipal os movementos migratorios ocorridos entre ambos. Por tanto, as fontes de información utilizadas na Estatística de Migracións e Cambios de Residencia son os Censos de Poboación e o Padrón Continuo.

As características utilizadas para clasificar as migracións son: sexo, idade, ano e lugar de nacemento, nacionalidade, lugar de procedencia e destino, ano da migración.

Definicións:

- **Migración:** Este concepto é equivalente ó de cambio de concello de residencia.
- **Emigración:** Para un ámbito xeográfico determinado as emigracións son aquelas migracións que teñen orixe nese ámbito e destino fóra deste.
- **Emigración interna:** Trátase daquelas emigracións con orixe nun concello de Galicia e destino noutro concello distinto tamén da Comunidade Autónoma.
- **Emigración externa:** Son aquelas emigracións con destino fóra da Comunidade Autónoma; é dicir, o resto de España ou o estranxeiro.
- **Inmigración:** Para un ámbito xeográfico determinado as inmigracións son aquelas migracións con destino nese ámbito e orixe fóra deste.
- **Inmigración interna:** Trátase daquelas inmigracións con destino nun concello de Galicia e que teñen orixe noutro concello distinto tamén da Comunidade Autónoma.
- **Inmigración externa:** Son aquelas inmigracións con orixe fóra de Galicia, é dicir, o resto de España ou o estranxeiro.
- **Saldo migratorio:** Para cada ámbito territorial, é a diferenza entre o total de inmigrantes e o total de emigrantes. Se é positivo indica que as entradas de poboación superan ás saídas, e ó contrario se é negativo.

- **Saldo migratorio interno:** Calcúlase como a diferenza entre a inmigración interna e a emigración interna. Para cada concello aparecen dous tipos de saldo migratorio interno: o intraprovincial e o do resto de Galicia. O primeiro correspóndese coa diferenza entre as altas nun concello procedentes do resto da provincia e as baixas con destino na mesma, e o segundo sería a diferenza entre as altas no concello procedentes das restantes provincias de Galicia e as baixas con destino nesas mesmas provincias.
- **Saldo migratorio externo:** Calcúlase como a diferenza entre a inmigración externa e a emigración externa. Aparecen dous tipos de saldo migratorio externo: co resto de España, diferenza entre as altas procedentes das outras Comunidades Autónomas e as baixas con destino nas mesmas, e co estranxeiro, diferenza entre as altas procedentes do estranxeiro e as baixas con ese mesmo destino.
- **Inmigración de retorno ao concello de nacemento:** Son os movementos con destino ao concello de nacemento.
- **Inmigración de retorno a Galicia:** Son os movementos con destino e lugar de nacemento Galicia.

4. Presentación de resultados

Con periodicidade anual, a partir do ano 2021, os resultados dos movementos migratorios difúndense na páxina WEB do IGE (www.ige.gal) dentro do apartado temático de **Poboación. Movementos migratorios.**

Ofrécese información a nivel provincial sobre as migracións clasificadas por orixe e destino e as características dos migrantes, e a nivel comarcal e municipal segundo a comarca/municipio de procedencia ou destino e os saldos migratorios.

Para máis información relativa á *Estadística de Migraciones y Cambios de Residencia* pode consultar a [metodoloxía](#) e os [resultados](#) proporcionados polo Instituto Nacional de Estadística.